



# Synfocity = 640

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

22<sup>nd</sup> June, 2017

- ☐ **Lay Leaders Training vawi 196-na kharna**  
 Synod Multipurpose Training Centre (SMTC) buatsaih Lay Leaders Training vawi 196-na chu June 19 - 23, 2017 chhungin SMTC-ah neih a ni a, June 22, 2017 hian SMTC Lecture Hall-ah training kharna hun hman a ni ang. Training kharna inkhawm hi Rev. Vansawma, Programme Director, SMTC in a kaihruai ang a, NI. Stacy V.L. Muanpui'n Pathian fakna hla a sa ang. Rev. P.C. Pachhunga, Executive Secretary-in thuchah sawiin trainees te hnenah Certificate a sem ang a, trainees aiawh thusawi tawi leh lawmthu sawina hun hman a ni bawk ang. He training-ah hian Tlawng, Tuichang, Tuichangral South, Tuipuiral, Tuivawl, Aizawl Chhim Presbytery leh Phai Synod atangin Kohhran Upa 42 an tel thei a ni.  
 Synod Multipurpose Training Centre-ah hian Lay Leaders' Training hi kum 1996 atangin neih tan a ni a. SMTC hmunah tum 160 leh hmun dangah tum 35 training neih tawhah Kohhran Upa 6233 training an awm tawh a. Kohhran Upa training-ah hian Kohhran kaihhraina leh chawmna chi hrang hrang zir thin a ni.
- ☐ **Synod Literature & Publication Board (SL&PB)**

  - ♦ June 12, 2017 (Thawhtanni) zan khan Ramrikawn Branch KTP chuan Literature Nite an hmang a, hemi hunah hian Rev. Dr. C. Chawngmingliana, Editor, SL&PB a kal.
  - ♦ June 17, 2017 (Inrinni) khan Chanmari Kohhranah Literature Seminar neih a ni a, hemi hunah hian Rev. Dr. C. Chawngmingliana, Editor, SL&PB leh Upa H. Ronghaka, Additional Editor te an kal.
- ☐ **Chhiatna tawkte tanpuina hlan**  
 June 16, 2017 khan Chhim Bial Administrative Secretary Rev. RC. Lalngakliana leh Pu Albert Lalhmangaiha, Area Promoter, Synod Office, Lunglei te chuan Phairuangaia chhiat tawkte tlawhin an kal a, Phairuangaia chhiat tawhnaah hian mitthi pali awmin hliam tuar leh In chhiate leh bungrua chhiate tanpui nan leh hnatlangte thingpui lumna senso atan Mizoram Synod hmingin Rs.69,000/- an hlan a. Khawtlang hruaituten tha takin an lo dawngsawng a ni. Hetiang bawk hian Tlabung leh Diblibagh-ah June 19, 2017 khan kal lehin chhiat tawkte chhawmdawlna atan hian pawisa Rs.30,000 mi chi hrang hrang hnenah an hlan leh bawk a ni. Tun tuma fur tuilian leh leimin avang hian chhim lama Presbyterian Kohhran hmun pawimawh hrang hrangte pawh a tibuai hle a. Malsury Home Mission Quarters leh Biak Inte pawh tuilian hian a chim pil deuh thaw vek a, Missionary te pawh an buai hle a, Kohhran hote tawngtaipui turin min sawm a ni.
- ☐ **Indian Mission Association (IMA) Hotute Aizawl-ah Executive Meeting neiin an rawn kal**  
 June 19 & 20, 2017 chhung khan IMA Executive Committee meeting neih a ni a, hemi hunah hian IMA lama hotute mi 10 an rawn tel thei a ni. Meeting hi Tourist Lodge, Chaltlang leh Synod Office, Committee Room -I ah te neih a ni. Meeting hi Synod Mission Board in an thleng a. IMA Executive Committee Meeting Aizawl-a nghah anih chhan pakhat chu Mizoram Synod a taka hmuh leh Kohhran kalphung an zir duh vang a ni. Aizawla an cham chhung hian Synod hmun pawimawh hrang hrangte an tlawh kual a, chung zingah chuan Synod Press chu India ram Christian Mission organization-ah chuan Printing Press lian ber anih thu an sawi a ni. June 14, 2017 khan Synod Mission Board hotute nen Synod Office Committee Room-ah inkawmhona an nei a ni.
- ☐ **Family Guidance & Counselling Centre**  
 February 1 - 16 May, 2017 chhunga FG&CC Centre hrang hranga pantu an neih dan hetiang hi a ni:

1. Mission veng - 294	2. Bawngkawn - 212
3. Champhai - 109	4. Kolasib - 78
5. Vaivakawn - 38	6. Serchhip - 35
- ☐ **Kohhran Hmeichhia**  
 Women Centre, Phunchawnga puan tah zirturu tur atan Pi H. Lalrinpui d/o Rithanga Hnamte, Bawngkawn Hmar Veng chu lak thar a ni a, July 4, 2017 atangin a thawk tan ang. Hemi rual hian Puan tah zir tur 1st Batch atan mi 7 lak an ni bawk. June 22, 2017 hian Women Centre, Phunchawnga Puanthui zirturu 3rd Batch interview neih leh a ni a, lak thar te hian July 4 atangin class an tan leh ang. Women Centre-a Puanthui zir hi kum 2016 August thla atangin kal pui a ni a. 1st Batch in tha takin an zir zo tawh a, tunah hian 2nd batch ten zir zo leh tawh in June 27, 2017 hian Closing Function neih tura ruahman mek a ni. Puanthui zirte tan hian Central Kohhran Hmeichhia chuan thlatin stipend Rs. 1000/- a pe a, zirlai te hian mess fee Rs. 500/- an chawi ve thung a ni.
- ☐ **Aizawl Theological College BD Final Year Result tihchhuah a ni**  
 Aizawl Theological College BD final year result tihchhuah a ni a, hetiang hi an pass dan a ni.

First Class A- Grade	- 1
Second Class B+ Grade	- 10
Second Class B Grade	- 11
Second Class B- Grade	- 1
<b>TOTAL</b>	<b>- 23</b>
- ☐ **Campus Ministry**

  - ♦ June 20, 2017 (Thawhlethni) khan Apollo School of Nursing, Luangmual Complex ah hun an hmang.
- ☐ **Worship Deptt.**  
 June 20 - 23, 2017 chhung hian Chhiahtlang Kawn Veng Bialah KTP Solfa Training neih a ni a, hemi hunah hian Pu Lalromawia, Senior Instructor leh Upa Thanghuta, Dam Veng te an kal.
- ☐ **Trust**  
 June 22 & 23, 2017 chhung hian Ratu Pastor Quarters sak enpui leh Land Lease buaipuiin Pu Lalramenga Royte, J.E leh Upa K. Lalremruata, O/A te an kal.
- ☐ **Finance Deptt.**  
 June 24 & 25, 2017 chhung hian Khawlailung Dinthar Bialah Finance Campaign neih a ni dawn a, hemi hunah hian Rev. P.C. Pachhunga, Executive Secretary, Upa P.C. Vanlalrova, Synod Office, Rev. R. Lalengzauva leh Upa C. Lalmuankima te an kal ang.

Contd...

- ☐ **Kristian Thalai Pawl (KTP)**
- ♦ June 23 - 25, 2017 chung hian Sairang Bialah Half Year Meet neih a ni dawn a, hemi hun hmanpui tur hian Rev. Zothansanga, Central KTP Leader a kal ang.
  - ♦ June 24 & 25, 2017 chung hian ITI Veng Bialah Half Year Meet neih a ni dawn a, hemi hun hmanpui tur hian T.Upa Ngurhmingliana, Central KTP Asst. Leader leh Tv. Robert Lalduhzuala, Committee Member te an kal ang.
- ☐ **MSSU**
- June 24, 2017 (Inrinni) hian Serchhip Bialah Sunday School zirtirtu training neih a ni dawn a, hemi hunah hian Upa Lalthahluna Ralte, MSSU Asst. Coordinator, Upa F. Zakhuma, Selesih, MSSU Trainer leh Upa H. Lalvulliana, Ramhlun Venglai, MSSU Trainer te an kal ang a, Pathianniah Bial chhunga Kohhran hrang hrangah hun an hmang ang.
- ☐ **Synod-in chhawmdawlna pe**
- Tun hnaia harsatna hrang hrang neite hnenah Synod Relief Fund atangin chhawmdawlna hetiang hian pek an ni.
- | S.No         | Khua            | Pek chhan    | Chhungkaw zat | Chhawmdawlna pek zat  |
|--------------|-----------------|--------------|---------------|-----------------------|
| 1.           | Suarhliap       | Thlipui tuar | 1             | Rs. 6,000/-           |
| 2.           | Vaivakawn       | Kangmei tuar | 1             | Rs. 6,000/-           |
| 3.           | Tuikual         | Leimin tuar  | 4             | Rs. 16,000/-          |
| 4.           | Serchhip Bethel | Leimin tuar  | 1             | Rs. 7,000/-           |
| 5.           | Sairang Dinthar | Tuilian tuar | 1             | Rs. 7,000/-           |
| 6.           | Hunthar         | Leimin tuar  | 1             | Rs. 7,000/-           |
| 7.           | Zemabawk        | Leimin tuar  | 2             | Rs. 20,000/-          |
| 8.           | Saron Veng      | Leimin tuar  | 9             | Rs. 45,000/-          |
| <b>TOTAL</b> |                 |              |               | <b>Rs. 1,14,000/-</b> |
- ☐ **Hruaina Eng FM Radio & TV Programme**
- ♦ **JUNE 23, 2017 (FM ZOAWI AIZAWL @ 7:30 P.M.):**  
**Zaipawl :** Cardinal Choir - Khualzin vakvai, **Solo :** Lalbiakhlimawmi - Ka buaina ram thlaler, **Thusawi :** Tv. H. Lalthazuala - Zai mite tana thurawn, **Solo :** Zorema Chhangte - Nitin Isua ka thinlungin, **Zaipawl :** Mizoram Synod Choir - Pathian Kohhran
  - ♦ **JUNE 23, 2017 (FM LUNGLEI @ 7:30 P.M.):**  
**Zaipawl :** Cardinal Choir - Khualzin vakvai, **Solo :** Lalbiakhlimawmi - Ka buaina ram thlaler, **Thusawi :** Tv. H. Lalthazuala - Zai mite tana thurawn, **Solo :** Zorema Chhangte - Nitin Isua ka thinlungin, **Zaipawl :** Mizoram Synod Choir - Pathian Kohhran
- ☐ **Susamachar Prasaran Programme**
- ♦ **JUNE 25, 2017 (Pathianni) 5:00 pm. :**  
**Group/Choir/Solo :** PC Lianhmingthanga (Valpuia) & Lalzawni - Jhum Jhum, **Group/Choir/Solo :** Soni Lalnunsangi - Sahara mujko, **Sermon :** Lalhmingthanga, **Group/Choir/Solo :** Dawrpui Vengthar Pastor Bial - Kush par, **Group/Choir/Solo :** Aizawl Venglai Masih Sangati - Balidan
- ☐ **JUNE 25, 2017 (Tv Programme) @ 4:00 - 6:00, 8:00 - 9:00 p.m) :**  
**Weekly Round Up, Interview : Cambodia Pastor-te, Sawihona : Social Media leh Zirlaite**
- ☐ **Moderator Programme**
- |               |           |                 |                    |
|---------------|-----------|-----------------|--------------------|
| June 23, 2017 | Zirtawpni | Zan             | Synod Revival Meet |
| June 25, 2017 | Pathianni | Zotlang Kohhran | Zotlang Bial       |

**SYNOD REVIVAL MEET - 2017, Vawi 6-na**

**A hmun : Ramthar Kohhran Biak In,**

**A hun : June 23 - 25, 2017**

**Thupui : 'Min tiharh leh ta che' (Sam 85 : 6)**

**Dt.23.06.2017 (Zirtawpni Zan Dar 7:00)**

**Vantlang Pathian Biak Inkhawm: ( Inlawmna).**

Chairman : Rev K. Rolungmuana.

Zaipawl : 1) Synod Choir.  
 2) Lungleng 1 Pastor Bial Zaipawl.  
 3) Sihphir Pastor Bial Zaipawl.

Thusawitu : Rev. Lalzuithanga, Synod Moderator

**Inkhawm ban Inpawlhona:**

Hruaitu : Upa C. Lalluia, Comm. Member.

**Dt.24.06.2017 (Inrinni )**

Kaihrhaitu : Rev K. Rolungmuana.

Dar 10:00 - 11:30 AM.

Thuzirho 1 : Rev. Dr. Lawmsanga ATC

Dar 12:00 - 1:30 PM.

Thuzirho 2 : Rev Dr. LH. Rawsea, ATC.

Dar 2:00 - 3:30 PM.

Thuzirho 3 : Rev Dr. K. Lallawmzuala, ATC.

**Dt.24.06.2017 (Inrinni Zan Dar 7:00 )**

**Vantlang Pathian Biak Inkhawm:**

Chairman : Upa K. Lalengliana  
 Committee Member.

Zaipawl : 1) Zemabawk North Bial Zaipawl.  
 2) Bethlehem Bial Zaipawl.  
 3) Sihphir Vengthar Bial Zaipawl.

Thusawitu : Pu C. Lalnunsanga,  
 (Joshua Operation Team Speaker).

**Inkhawm ban Lengkhawm:**

Hruaitu : Upa C Sangkhuma, (Ral Vengtu).

**Dt.25.06.2017 (Pathianni chawhma Dar 10:00 )**

**Vantlang Pathian Biak Inkhawm:**

Chairman : Upa JH. Ramnghinglova, Comt. Member.

Zaipawl : 1) Bungkawn Pastor Bial.  
 2) Presbyterian Choir, Lunglei.  
 3) Ramthar Veng Bial Zaipawl.

Thusawitu : Pu R. Lallungmuana,  
 Hebron Revival Team Speaker

**Inkhawm ban Lengkhawm:**

Hruaitu : Biakhmingthanga, (Krista Thian).

**Dt.25.06.2017 (Pathianni chawhnu Dar 1:30 )**

**Vantlang Pathian Biak Inkhawm:**

Chairman : Upa H. Zoliana. Committee Member

Zaipawl : 1) Leitan Pastor Bial Zaipawl.  
 2) Model Veng Kohhran.  
 3) Kulikawn Bial Zaipawl.

Thusawitu : Pi PC. Vanlalnglaki, Jehova Jire Team Speaker.

**Inkhawm ban lengkhawm :**

Hruaitu : Upa Lalchhanhima Hnamte,  
 Mi lungngaite Thian

**Dt.25.06.2017 (Pathianni Zan Dar 7:00 )**

**Vantlang Pathian Biak Inkhawm:**

Chairman : Rev. Lianhmingthanga Sailo, Synod Secretary

Zaipawl : 1) Synod Choir.  
 2) Presbyterian Choir, Lunglei.  
 3) Ramthar veng Kohhran Zaipawl

Thuchah : Rev. Lalramliana Pachuau, SES, i/c Revival.

**Inkhawm ban lengkhawm:**

Hruaitu : Pu Lalsangluia Sailo, (Gospel Reapers)

Synod Social Front Helpline: 9089777129;

Tuai & Patil Helpline : 8729800130;

Students' Helpline : 9856883377

www.MIZORAMSYNOD.ORG

Synod Information & Publicity  
 Phone - 2314648

**Synfo**